

19. august 2022

UKA2022/60

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Aqqusinikkut angallannermut oqartussaaffiup pigisanullu nalilinnut inatsisip tiguneqarnissaanut tungavissat tamarmik nassuiaasiofigineqarnissaat siunertaralugu Naalackersuisut Naalagaaffiup oqartussaasuinut saaffigineqqullugit peqquneqarnissaannik Inatsisartut aalajangiiffigisassatut siunnersuut.

(Inatsisartunut ilaasortaq Kuno Fencker, Siumut)

Tungavilersuut:

Immikkoortut tamarmik Namminersorneq pillugu Inatsimmut ilanngussami allattorsimaffik 1-mi suliasaqqarfinni Namminersorlutik Oqartussanit tiguneqarsinnaasuniipput, tigusinissallu qaqugu pinissaa Namminersorlutik Oqartussat aalajangertussaavaat.

Angallannermut immikkoortumut tunngatillugu nunatut nunap pissusaa, klima pissutsillu allat inatsisiliortunit annertuumik ilisimasaqqarfiginissaat pingaaruteqarpoq. Taamaammattamatuma qanoq aaqjissuullugulu pilersaarusiornissaata sutigullu tamatigut qanoq aningaasatigut kinguneqarnissaa Naalackersuisut pilersaarusiortigineqarnissaa naapertuuttuussaaq.

Aningaasanik pigisanut inatsisinut tunngatillugu EU tassunga tunngasumik inatsisinik allannguinerani Kalaallit Nunaata malinnaanissaa pingaarpoq. EU inatsisini putunik innuttaasunut, suliffeqqarfinnut il.il. pitsaanngitsumik sunniuteqartumik atornerlunneqarsinnaasunik nassaarsimatillugu, Danmarkip EU-p peqqussutai ilitsersuutaalu malittarpai.

Norgip Islandillu EØS-mik EFTA-milluunniit isumaqatigiissutikkut nammineq periuseqqarlutik inatsisinik taakkuninnga malinninnerat ilisimavarput. Kalaallit Nunaat naalagaaffinngoriartornermini isummanik taakkuninnga sukumiisumik misissuinissaa inissaminissaaq, EU-llu isiginnittaasia malillugu nunatut allatut isigineqaleqqunata, immaqqa Island Norgilu assigalugit aaqiissutinik nassaarluni.

Pisortanut aningaasatigut allaffissornikkullu kingunerisassai:

Naalagaaffeqatigiinnut attaveqqarnermi kingornalu nassuiaatip allaffissornikkut suliarineqarnissaa pisortani ukiumi ilivitsumi sulinermik nassataqassasoq naatsorsuutigineqarpoq.

Namminersortunut aningaasaatigut allaffissornikkullu kingunerisassai:

Nassuiaat kingorna aalajangernissamut toqqammaviunissaa pissutigalugu soqanngilaq.

Innuttaasunut aningaasatigut allaffissornikkullu kingunerisassai:

Nassuiaat kingorna aalajangernissamut toqqammaviunissaa pissutigalugu soqanngilaq.